

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), na prijedlog Ministarstva za pravosuđe i upravu, Vlada Zeničko-dobojskog kantona, na 44. sjednici, održanoj dana 30.08.2024. godine, d o n o s i

ZAKLJUČAK

I.

Utvrđuje se Nacrt Zakona o prijavljivanju i postupku provjere podataka o imovini nosioca javnih funkcija.

II.

Nacrt Zakona iz tačke I. ovog zaključka upućuje se u dalju skupštinsku proceduru.


III.

Zaključak stupa na snagu danom donošenja.

Broj: 02- 02-15058 /24
Datum, 30.08.2024. godine
Zenica

DOSTAVLJENO:

1x Ministarstvo za pravosuđe i upravu,
1x Stručna služba Skupštine,
1x a/a.



PREMIJER

Mezir Pivić

Na osnovu člana 17. i 37. stav (1) tačka f) Ustava Zeničko-dobojskog kantona, Skupština Zeničko-dobojskog kantona, na ____ sjednici održanoj dana _____ 2024. godine, d o n o s i:

ZAKON
O PRIJAVLJIVANJU I POSTUPKU PROVJERE PODATAKA O IMOVINI NOSIOCA
JAVNIH FUNKCIJA

DIO PRVI - OPĆE ODREDBE

Član 1.
(Predmet)

(1) Ovim zakonom utvrđuje se obaveza izabranog i imenovanog dužnosnika, nosioca izvršnih funkcija i savjetnika (u daljem tekstu: nosioc javne funkcije), kao i vršioca dužnosti nosioca javne funkcije, nosica dužnosti kantonalnog, gradskog i općinskog pravobranioca u Zeničko-dobojskom kantonu (u daljem tekstu: Kanton) i njihovih zamjenika da prijave zatečenu imovinu i prihode, porijeklo i promjene imovine i prihoda kao i poklone koje dobiju u toku obavljanja javne funkcije (u daljem tekstu: podaci o imovini), način prikupljanja, obrada, korištenje, zaštita i čuvanje podataka, kao i dužnosti i obaveze organa nadležnih za provođenje i nadzor nad provođenjem ovog zakona i druga pitanja od značaja za provođenje ovog zakona.

(2) Obaveza iz stava (1) ovog člana odnosi se i na dostavljanje podataka o imovini bliskog srodnika.

Član 2.
(Pojmovi)

Izrazi korišteni u ovom zakonu imaju sljedeće značenje:

a) nosiocem javne funkcije smatra se izabrani dužnosnik odnosno se zastupnik u Skupštini Kantona i vijećnik u gradskom i općinskom vijeću grada i općine na teritoriji Kantona, nosioc izvršne funkcije koji je imenovan odnosno premijer Kantona i ministar, gradonačelnik i općinski načelnik u Kantonu, te direktor i zamjenik direktora agencije, fonda, javnog preduzeća, javne ustanove i institucije čiji je osnivač Kanton, grad ili općina na području Kantona, član skupštine, upravnog i nadzornog odbora direkcije, zavoda, javne ustanove, javnog preduzeća i druge institucije u Kantonu koji je izabran ili imenovan, ili je za njihov izbor ili imenovanje data saglasnost od strane Skupštine, odnosno Vlade Kantona, ili gradskog i općinskog vijeća, nosioc dužnosti kantonalnog, gradskog i općinskog pravobranioca i njegovog zamjenika odnosno kantonalni, gradski i općinski pravobranilac u Kantonu, vršioc dužnosti prethodno pobrojanih javnih funkcija i savjetnik izabranog dužnosnika i nosioca izvršne funkcije;

b) javna funkcija je funkcija koju obavljaju osobe iz tačke a) ovog člana;

c) bliskim srodnikom se smatraju bračni i vanbračni partner, dijete, majka, otac, usvojlac i usvojenik nosioca javne funkcije;

d) institucija, je svaki javni organ, javno preduzeće i javna služba čiji je osnivač Kanton, odnosno grad i općina na području Kantona koji vrši javna ovlaštenja;

e) imovinu predstavljaju stvari i prava koja je stekao nosilac javne funkcije, a obuhvata sve stvari i prava, a posebno nekretnine i pokretne stvari, potraživanja, poslovne udjele, vrijednosne papire, novac, umjetnine, plemenite metale i drago kamenje u njegovom vlasništvu ili vlasništvu njegovog bliskog srodnika;

f) poslovni udjel, u smislu stava (1) tačke e) ovog člana, je ulaganje novca, stvari i prava u vlasničku strukturu privrednog subjekta;

g) poklon je predstavlja svaku isplatu, djelovanje, uslugu ili predmet od vrijednosti učinjene izravno primatelju, bez naknade ili očekivanja naknade koja je data nosiocu javne funkcije u vezi sa vršenjem javne funkcije a vrijednost istog predstavlja njegovu tržišnu vrijednost.

h) protokolarnim poklonom smatra se poklon predstavnika stranih zemalja i međunarodnih organizacija prilikom službenih posjeta.

Član 3.

(Rodna neutralnost izraza)

Riječi i pojmovi koji imaju rodno značenje korišteni u ovom zakonu odnose se jednako na muški i ženski rod, bez obzira jesu li korišteni u muškom ili ženskom rodu.

DIO DRUGI - NADLEŽNOST NAD PROVOĐENJEM ZAKONA

POGLAVLJE I. NADLEŽNOST I OBAVEZE UREDA ZA PREVENCIJU I SUZBIJANJE KORUPCIJE

Član 4.

(Principi djelovanja)

(1) Nosilac javne funkcije u vršenju javne funkcije mora postupati zakonito, efikasno, nepristrasno, časno, te se pridržavati načela odgovornosti, poštenja, savjesnosti.

(2) U vršenju javne funkcije nosioc javne funkcije ne smije svoj privatni interes niti bilo čiji interes stavljati iznad javnog interesa.

(3) Nosilac javne funkcije ne smije u obavljanju svoje dužnosti tražiti ili prihvatati bilo kakvu korist za sebe ili druge.

(4) Obavljanje svih javnih funkcija mora biti transparentno.

(5) Nosilac javne funkcije ne smije koristiti javnu funkciju za ličnu dobit i dobit lica koje je s njim povezano.

(6) Nosilac javne funkcije ponaša se savjesno i odgovorno, ne ugrožava povjerenje i pouzdanje građana, poštuje zakonske i druge propise kojima se određuju prava, obaveze i odgovornosti u obavljanju javne funkcije.

(7) Svrha zakona je osiguravanje provođenja principa djelovanja, te transparentnosti, zaštite integriteta javne funkcije, sprječavanje koruptivnog djelovanja za vrijeme obavljanja javne funkcije, te sprječavanje nezakonitog bogaćenja i pranja novca.

Član 5.

(Nadležni organ za provođenje ovog zakona)

(1) Ured za borbu protiv korupcije Zeničko- dobojskog kantona (u daljem tekstu: Ured) nadležan je za provođenje ovog zakona.

(2) Ured je nadležan i ovlašten za prikupljanje i obradu i provjeru podataka o imovini i promjeni imovine nosilaca javnih funkcija, uspostavljanje i vođenje Registra podataka o nosiocima javnih funkcija i imovini (u daljem tekstu: Registar), kao i pokretanje prekršajnog i podnošenje krivične prijave zbog povreda odredaba ovog zakona.

Član 6.

(Obaveza obavještavanja Ureda)

(1) Institucija u kojoj nosilac javne funkcije obavlja javnu funkciju, dužna je obavijestiti Ured o početku, odnosno o prestanku obavljanja javne funkcije u roku od 15 dana od dana početka odnosno prestanka obavljanja javne funkcije.

(2) Institucije su dužne imenovati ovlaštene osobe za dostavu podataka iz stava (1) ovog člana u roku od 30 dana od dana stupanja na snagu ovog zakona.

(3) Inicijalnu dostavu podataka Uredu o svim nosiocima javnih funkcija izvršit će ovlaštena osoba iz stava (2) ovog člana, na obrascu koji će im dostaviti Ured u roku od 60 dana od dana stupanja na snagu ovog zakona.

(4) Ovlaštene osobe odgovorne su za blagovremenost dostavljenih podataka.

Član 7.

(Kontrolor podataka o imovini)

(1) Obavezno je dostavljanje podataka o promjeni u tokovima sticanja imovine.

(2) Radi prikupljanja i obrade podataka o imovini, Ured vrši:

- a) prijem prijave i provjera podataka o imovini;
- b) unošenje i ažuriranje podataka o imovini u Registru;
- c) čuvanje ličnih podataka o imovini na period od pet godina nakon završetka funkcije;
- d) uništavanje podataka nakon isteka roka od pet godina od vremena završetka funkcije;
- e) evidentiranje i kontrolu poklona.

(3) Ured vodi Registar, kao zbirku podataka o imovini u skladu s propisima o zaštiti ličnih podataka.

(4) Vlada Kantona će Uredbom, na prijedlog Ureda, bliže urediti sadržaj i način vođenja Registra, kao i druga pitanja od značaja za vođenje Registra.

Član 8.

(Provjera podataka iz Izvješća)

(1) Ured vrši provjeru blagovremenosti, tačnosti i potpunosti podataka iz Izvještaja nosioca javne funkcije upoređivanjem datih podataka sa prikupljenim podacima o imovini i prihodima nosioca javne funkcije od institucija, tijela i pravnih osoba koji raspolažu tim podacima.

(2) Ured vrši provjeru blagovremenosti podnošenja Izvještaja, tačnosti i potpunosti podataka iz Izvještaja putem:

- a) administrativne provjere,
- b) računске provjere,
- c) potpune provjere.

(3) Administrativna provjera se provodi za svaki podneseni Izvještaj i uključuje:

- a) provjeru da li su svi nosioci javnih funkcija podnijeli Izvještaj u zakonskom roku,
- b) provjeru pravilnog i potpunog popunjavanja obrasca Izvještaja.

(4) Računskom provjerom se utvrđuje da li postoji ravnoteža između finansijskih priliva i odliva koje je u Izvještaju naveo nosilac javne funkcije. Ova provjera se provodi na uzorku podnesenih Izvještaja do uspostavljanja elektronskog sistema za prikupljanje i obradu izvještaja, kada će ovom provjerom biti obuhvaćeni svi podneseni izvještaji.

(5) Potpunom provjerom se utvrđuje tačnost podataka navedenih u Izvještaju, upoređivanjem podataka sa podacima javnih i privatnih pravnih i fizičkih lica u Bosni i Hercegovini i inostranstvu koji raspolažu tim podacima, kao i podacima iz drugih raspoloživih izvora.

(6) Potpuna provjera se provodi:

- a) kada se računskom provjerom utvrdi da Izvještaj nije finansijski uravnotežen,
- b) na osnovu obrazložene prijave,
- c) na slučajnom uzorku.

(7) Obavezu dostavljanja podataka Uredu za provjeru Izvještaja imaju nosioci javnih funkcija iz člana 2. ovog Zakona

(8) Ured će u roku od 60 dana donijeti podzakonski akt kojim će detaljnije urediti način prikupljanja i postupak provjere podataka iz Izvještaja o finansijskom stanju i imovini nosilaca javnih funkcija.

(9) Ako se tokom postupka utvrdi da ne postoji saglasnost između podataka navedenih u Izvještaju nosioca javne funkcije i stvarnog stanja koje je utvrdio Ured, ili da ne postoji saglasnost između uvećane vrijednosti imovine nosioca javne funkcije i prijavljenih prihoda, nosilac javne funkcije je dužan da se na zahtjev Ureda, očituje u pisanoj formi, u roku od 30 dana, te dostavi podatke o osnovima sticanja imovine i prihoda.

(10) Ako nosilac javne funkcije ne dostavi odgovor na zahtjev Ureda iz stava (9) u roku od 30 dana ili ne priloži odgovarajuće dokaze potrebne za usklađivanje podataka navedenih u Izvještaju, sa podacima koji su utvrđeni u postupku provjere, Ured će pokrenuti postupak protiv nosioca javne funkcije, zbog kršenja odredbi iz člana 15. ovog Zakona, te će o tome obavijestiti organ vlasti u kojoj nosilac javne funkcije obnaša javnu funkcije.

(11) Postupak provjere podataka iz Izvještaja nije dostupan za javnost do trenutka kada Ured donese konačnu odluku.

Član 9.

(Podnošenje informacije)

(1) Ured, putem Vlade, jednom godišnje podnosi informaciju Skupštini.

(2) U skladu sa nadležnošću utvrđenom ovim zakonom, Ured informaciju objavljuje na web stranici.

(3) Informacija Ureda sadrži obrađene podatke o imovini, i to:

- a) ukupnu vrijednost zatečene imovine i imovinskih prava nosilaca javnih funkcija, odvojeno prema nivoima vlasti;
- b) vrijednost evidentiranih poklona za svaku kalendarsku godinu;
- c) izrečene prekršajne kazne;
- d) podnesene prijave nadležnom tužilaštvu.

POGLAVLJE II. PRIJAVLJIVANJE IMOVINE

Član 10.

(Imovina za prijavu)

(1) Prijava sadrži detaljne informacije o imovini, kao što su:

- a) pravo vlasništva na nepokretnim stvarima u zemlji i inostranstvu;
- b) pravo vlasništva na pokretnim stvarima koje podliježu registraciji kod nadležnih organa u zemlji i inostranstvu;
- c) pravo vlasništva na pokretnim stvarima u vrijednosti većoj od 5.000,00 KM u zemlji i inostranstvu;
- d) dionice, akcije i obveznice i udjeli u pravnim licima i drugi vrijednosni papiri u zemlji i inostranstvu;
- e) depoziti, dividende i štednje u bankama i drugim finansijskim organizacijama, u zemlji i inostranstvu;
- f) prava po osnovu autorskih, patentnih i sličnih prava intelektualne svojine u zemlji i inostranstvu;
- g) finansijska potraživanja prema fizičkim i pravnim licima u zemlji i inostranstvu u iznosu višem od 5.000,00 KM;
- h) izvor i visina godišnjih novčanih prihoda u zemlji i inostranstvu;
- i) protokolarni pokloni i

j) poklon.

(2) Kada je imovina bliskih srodnika odvojena, prijavljivanje se obavlja posebno za svakog bliskog srodnika sa registrovanom imovinom na njegovo ime i prilaže se prijavi lica koje ima obavezu za prijavljivanje.

(3) U prijavi prihoda i finansijskih potraživanja nosilac javne funkcije navodi iznos, vrstu izvora svakog prihoda, iznos i vrstu finansijskih potraživanja.

(4) Ured je dužan sačiniti obrazac za dostavu podataka i dostaviti ga svim institucijama na koje se ovaj zakon odnosi.

Član 11.

(Dužnost podnošenja izvještaja o finansijskom stanju i imovini nosilaca javne funkcije)

(1) Nosilac javne funkcije dužan je Uredu u roku od 30 dana od dana stupanja na javnu funkciju, podnijeti prijavu o finansijskom stanju i imovini, za sebe i bliske srodnike u skladu sa stanjem na dan izbora ili imenovanja.

(2) Prijava sadrži lične podatke nosilaca funkcije i njegovih bliskih srodnika, uključujući JMB, podatke o funkciji koju nosilac javne funkcije obnaša, te podatke o:

- a) pravu vlasništva na nepokretnim stvarima u zemlji i inozemstvu;
- b) pravu vlasništva na pokretnim stvarima koje podliježu registriranju kod nadležnih tijela u zemlji i inozemstvu,
- c) pravu vlasništva nad drugim pokretnim stvarima vrijednosti veće od 5.000,00 KM (dragocijenosti, zbirke, umjetnine, predmeti i sl.),
- d) depozitima i štednji u bankama i drugim finansijskim organizacijama, u zemlji i inozemstvu,
- e) policama osiguranja,
- f) dionicama i udjelima u pravnoj osobi, kriptovalutama i drugim vrijednosnim papirima,
- g) pravima na temelju autorskih, patentnih i sličnih prava intelektualnog vlasništva,
- h) dugovima (glavnica, kamata i rok otplate),
- i) izvoru i visini neto prihoda od obavljanja javne funkcije,
- j) potraživanjima (glavnica, kamata),
- k) pravu korištenja stana za službene potrebe,
- l) izvoru i visini drugih neto prihoda,
- m) drugim poslovima i djelatnostima koje obavlja u skladu sa zakonom,
- n) članstvu u tijelima nevladinih, neprofitnih organizacija, i
- o) druge podatke i dokaze koje nosilac javne funkcije smatra bitnim za primjenu ovog zakona.

(3) Nosilac javne funkcije dužan je u Izvještaju navesti tačne i potpune podatke, prema tržišnoj vrijednosti imovine iz stava (2) ovog člana na dan podnošenja Izvještaja.

(4) Nosilac javne funkcije u toku obavljanja javne funkcije podnosi:

- a) ažuriran Izvještaj jednom tokom godine, a najkasnije do 31. marta tekuće godine za prethodnu godinu,
- b) dopunu Izvještaja za svaku nastalu promjenu iz stava (2) ovog člana, kao i u slučaju promjene finansijskog stanja iz Izvještaja koja se odnosi na uvećanje imovine po bilo kojem osnovu u iznosu većem od 10.000,00 KM, u roku od 30 dana od dana nastanka promjene,
- c) ažuriran Izvještaj na zahtjev Ureda u slučaju pokretanja postupka za utvrđivanje povrede odredaba ovog zakona, u roku od 30 dana od dana zaprimanja zahtjeva.

(5) U roku od 30 dana od dana prestanka obavljanja javne funkcije, nosilac javne funkcije dužan je dostaviti Uredu obavijest o prestanku obavljanja javne funkcije i Izvještaj podnijeti godinu dana nakon prestanka obavljanja javne funkcije.

Član 12.

(Prijavljivanje imovine prilikom preuzimanja dužnosti)

- (1) Nosilac javne funkcije je obavezan da prijavi imovinu, u roku od 30 dana od dana preuzimanja javne funkcije.
- (2) Po isteku roka iz stava (1) ovog člana, Ured će pismeno pozvati nosioca javne funkcije da dostavi prijavu imovine iz člana 10. ovog zakona u roku od 30 dana.
- (3) Ukoliko nosilac javne funkcije ne postupi u skladu sa stavom (2) ovog člana, Ured će u roku od 15 dana podnijeti prijavu nadležnom tužilaštvu.

Član 13.

(Prijavljivanje imovine poslije završetka dužnosti ili razrješenja)

- (1) Nosilac javne funkcije je obavezan da podnese prijavu imovine iz člana 10. ovog zakona, najkasnije 30 dana nakon završetka javne funkcije.
- (2) Po isteku roka od 30 dana, Ured će pismeno pozvati nosioca javne funkcije da dostavi prijavu imovine iz člana 10. ovog zakona u roku od 30 dana.
- (3) Pored obaveze iz stava (1) ovog člana, nosilac javne funkcije dužan je dati izjavu da li su pokrenute aktivnosti sticanja imovine iz člana 10. ovog zakona i ako jesu, navesti koje, po završetku javne funkcije po bilo kojem osnovu.

Član 14.

(Prijavljivanje na zahtjev Ureda)

- (1) Ured u svako vrijeme može da traži od nosioca javne funkcije da dostave traženu informaciju o imovini.
- (2) Nosilac javne funkcije je obavezan da dostavi traženu informaciju o imovini u roku od 30 dana od dana dostavljanja zahtjeva Ureda.

Član 15.

(Istinitost podataka)

Nosilac javne funkcije odgovoran je za istinitost i potpunost podataka o imovini i poklonima, izvorima sredstava i načinu sticanja navedenog.

Član 16.

(Uvid u Registar, ispravku i brisanje podataka)

Nosilac javne funkcije ima pravo uvida u svoje lične podatke o imovini koji se vode u Registru i pravo da zahtijeva da se njegovi podaci o imovini, za koje se utvrdi da su netačni ili da su pogrešno navedeni ili obrađeni na način koji je suprotan zakonu i pravilima koji se odnose na obradu podataka, isprave ili izbrišu.

Član 17.

(Protokolarni pokloni)

- (1) U roku od sedam dana po prijemu, ili nakon povratka u Bosnu i Hercegovinu, nosilac javne funkcije koji je primio protokolarni poklon mora da obavijesti organ koji ga je imenovao.
- (2) Protokolarni pokloni postaju vlasništvo organa ili institucije u kojoj nosilac javne funkcije obavlja dužnost.
- (3) Protokolarni pokloni i državni simboli, medalje i protokolarne oznake mogu se upotrijebiti tokom obavljanja službene dužnosti.

Član 18.

(Primanje poklona)

- (1) Poklon u vrijednosti do 200,00 KM nosilac javne funkcije može zadržati i ne treba ga prijaviti.

- (2) Poklon iznad vrijednosti od 200,00 KM, nosilac javne funkcije ne može zadržati i obavezan je isti u roku od tri dana od dana prijema, prijaviti i predati organu vlasti koji ga je izabrao ili imenovao i u čije ime obnaša povjerenu javnu funkciju.
- (3) Informaciju o predatom poklonu, organ vlasti je dužan dostaviti Uredu u roku od 15 dana od dana prijema poklona.
- (4) Nosilac javne funkcije ne može primiti novac, kriptovalutu ili drugi vrijednosni papir bez obzira na iznos, niti uslugu čija vrijednost prelazi 200 KM.
- (5) U slučaju sumnje o vrijednosti poklona, nosilac javne funkcije dužan je obratiti se upitom Uredu u roku od 15 dana od prijema poklona.
- (6) Primanje poklona, u skladu sa odredbama ovog zakona, smatraće se i primanje poklona od strane treće osobe u korist nosilaca javne funkcije.
- (7) Ured će donijeti podzakonski akt kojim će propisati postupak, način evidentiranja, predaju i čuvanje primljenih poklona u organima vlasti, u roku od 60 dana.
- (8) Ured je dužan u roku od 60 dana od dana stupanja na snagu ovog zakona, uspostaviti Centralni registar poklona, koji je javan.

POGLAVLJE III. REGISTRACIJA I VOĐENJE PRIJAVA IMOVINE

Član 19.

(Sadržaj prijave)

- (1) Obrazac prijave obavezno sadrži:
 - a) ime i prezime nosioca javne funkcije koji podnosi prijavu i njegovu funkciju;
 - b) ime i prezime bliskih srodnika za koje podnose prijavu;
 - c) matični broj, koji se ne objavljuje javno;
 - d) naziv organa ili institucije u kojoj je lice zaposleno/ imenovano, adresu institucije, datum imenovanja na funkciju;
 - e) datum predaje prijave;
 - f) nepokretnu imovinu i njenu vrstu, općinu odnosno grad i državu ukoliko se nalazi u inostranstvu, površinu, porijeklo, njenu nabavnu vrijednost i u čijem je vlasništvu, da li se radi o suvlasništvu i u kolikom procentu, vrstu i izvor sredstava kojima je kupljena ta imovina;
 - g) pokretnu imovinu i njenu vrstu, godinu proizvodnje ili kupnje, njenu nabavnu vrijednost, i u čijem je vlasništvu, potpune podatke o dionicama u privrednim društvima ili nekoj drugoj instituciji, vrijednosnim papirima, finansijskim potraživanjima koje podnosioc prijave ima prema fizičkim i pravnim licima;
 - h) podatke o učešću u nadzornim odborima, upravnim odborima, ako se rad odnosno učešće vrši uz naknadu;
 - i) ukupne godišnje prihode podijeljene s obzirom na izvor prihoda;
 - j) ličnu izjavu kojom se pod punom moralnom, krivičnom i građanskom odgovornošću potvrđuje istinitost podataka u prijavi;
 - k) potpis podnosioca prijave.
- (2) Svaka obrada ličnih podataka iz Registra vrši se u skladu sa Zakonom o zaštiti ličnih podataka.

POGLAVLJE IV. KONTROLA PRIJAVLJENIH PODATAKA

Član 20.

(Analiza i provjera podataka)

- (1) Ured vrši kontrolu prijavljivanja imovine i poklona nosioca javne funkcije.
- (2) Svaka prijava se provjerava u cilju utvrđivanja postojanja ili nepostojanja materijalnih grešaka ili pogrešno popunjenih prijava.
- (3) Ukoliko se utvrde materijalne greške ili greške u popunjavanju ili je prijava nepotpuna Ured obavještava podnosioca prijave koji je, u roku od 15 dana od primanja obavještenja, obavezan da prijavu ispravi ili dopuni.
- (4) U slučaju nesrazmjera između prihoda i imovine, kao i u slučaju osnova sumnje u istinitost podataka i zakonitosti načina na koji je imovina stečena, Ured je dužan o tome obavijestiti nadležno tužilaštvo.

Član 21.

(Obaveza davanja podataka)

- (1) Ured ima ovlaštenje pribavljati i obrađivati podatke u skladu sa Zakonom o zaštiti ličnih podataka Bosne i Hercegovine, isključivo u svrhu provjere tačnosti, odnosno istinitosti navoda sadržanih u prijavi imovine.
- (2) Ured ima ovlaštenje obratiti se zahtjevom za dostavu podataka svim nadležnim institucijama, kao i pravnim i fizičkim licima koji raspolažu podacima relevantnim za provjere utvrđene odredbama ovog zakona.
- (3) Smatra se da su obveznici prijave imovine saglasni sa ovlaštenjima Ureda navedenim u odredbama koje regulišu zaštitu ličnih podataka.
- (4) Nadležni organi i institucije, kao i pravna lica koja raspolažu podacima koja su Uredu neophodna za izvršavanje poslova iz svoje nadležnosti, dužni su Uredu omogućiti pristup podacima kojima raspolažu.

Član 22.

(Javnost)

Ured je dužan sve svoje aktivnosti, informacije i druge akte koje razmatraju Vlada Kantona i Skupština, učiniti dostupnim i javnim, putem službene web stranice.

DIO TREĆI - PREKRŠAJNE ODREDBE

Član 23.

(Kazneno djelo davanja lažnih podataka o imovini i prihodima nosilaca javne funkcije)

Nosilac javne funkcije koji suprotno odredbama iz člana 10. ovog zakona navede lažne podatke o imovini i prihodima, u namjeri da prikrije podatke o imovini i prihodima, kaznit će se kaznom zatvora od šest mjeseci do tri godine.

Član 24.

(Neprijavlivanje imovine ili davanje lažnih podataka o imovini)

- (1) Nosilac javne funkcije, kaznit će se:
 - a) Novčanom kaznom od 3.000,00 KM, kaznit će se Institucija u kojoj ovlaštena osoba nije imenovana u skladu sa članom 6. ovog zakona;
 - b) novčanom kaznom od 3.000,00 KM, za neprijavlivanje imovine prilikom preuzimanja dužnosti nakon isteka roka od pismenog pozivanja Ureda (član 12. stav (2));
 - c) novčanom kaznom od 5.000,00 KM, za neprijavlivanje imovine poslije završetka dužnosti

(član 13. stav (2));

d) novčanom kaznom od 3.000,00 KM, za neprijavljivanje imovine na zahtjev Ureda nakon isteka roka (član 14.);

e) novčanom kaznom od 5.000,00 KM za davanje lažnih podataka o imovini u namjeri da prikrije podatke (član 15.);

f) novčanom kaznom od 5.000,00 KM, za neprijavljivanje protokolarnih poklona (član 17.);

g) novčanom kaznom od 3.000,00 KM, za neprijavljivanje poklona prema propisanoj proceduri iz člana 18. ovog zakona

(2) Za ponovljeni prekršaj iz stava (1) ovog člana, nosilac javne funkcije kaznit će se novčanom kaznom od 6.000,00 KM.

(3) Ured pokreće prekršajni postupak za prekršaje iz ovog člana, u skladu s odredbama kojima se reguliše oblast prekršaja.

DIO ČETVRTI - PRIJELAZNE I ZAVRŠNE ODREDBE

Član 25.

(Donošenje i usklađivanje podzakonskih propisa)

Vlada Kantona će, najkasnije 90 dana od dana stupanja na snagu ovog zakona, na prijedlog Ureda, donijeti Uredbu o uspostavljanju i vođenju Registra iz člana 7. stav (5), kojim će se urediti oblik, sadržaj i način vođenja Registra, kao i druga pitanja od značaja za vođenje Registra.

Član 26.

(Saradnja Ureda sa nadležnim organima)

Ured će ostvarivati saradnju sa Agencijom za prevenciju korupcije i koordinaciju borbe protiv korupcije Bosne i Hercegovine, dostavljajući sve potrebne podatke i informacije po zahtjevu Agencije, a u cilju sprječavanja korupcije, izrade i provođenja strategije za borbu protiv korupcije i akcionih planova.

Član 27.

(Obaveza zatečenih nosilaca javnih funkcija)

Zatečeni nosioci javnih funkcija u trenutku stupanja na snagu ovog zakona, obavezni su da prijave imovinu i poklone iz člana 10., 17. i 18. ovog zakona, u roku od 90 dana od dana stupanja na snagu ovog zakona.

Član 28.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj _____

Zenica, _____

**PREDSJEDAVAJUĆI
SKUPŠTINE**

Ćazim Huskić

O B R A Z L O Ź E N J E

I - USTAVNI OSNOV ZA DONOŠENJE ZAKONA

Ustavni osnov za donošenje ovog zakona sadržan je u odredbi člana 17. Ustava Zeničko-dobojskog kantona kojom se propisuje da Kanton ima sve nadležnosti koje nisu Ustavom Federacije izričito povjerene federalnoj vlasti ili koje nisu Ustavom Federacije utvrđene kao zajedničke nadležnosti Federacije i Kantona te odredbama člana 37. kojom se propisuje da Skupština Kantona donosi zakone i ostale propise za izvršavanje kantonalnih nadležnosti.

II – RAZLOZI ZA DONOŠENJE

Kao jedan od razloga za donošenje ovog zakona je obaveza koja je proizašla iz međunarodnih konvencija koje je Bosna i Hercegovina ratificirala, a to je Konvencija o borbi protiv korupcije ("Službeni glasnik BiH"-Međunarodnih ugovori, broj 5/06), koja propisuje u članu 6.: "(1) Svaka država stranka će, u skladu s osnovnim načelima svog pravnog sistema, uspostaviti, prema potrebi, tijelo ili tijela za sprječavanje korupcije sredstvima kao što su: a) provođenje politike pomenute u članu 5. ove Konvencije i, gdje to odgovara, nadgledanje i koordiniranje provođenja te politike; b) unapređenje i širenje znanja o sprječavanju korupcije. (2) Svaka država stranka će osigurati tijelu ili tijelima pomenutim u tački 1. ovog člana potrebnu nezavisnost, u skladu sa osnovnim načelima svog pravnog sistema, kako bi to tijelo ili tijela mogla vršiti svoje funkcije uspješno i neometano od bilo kakvog neopravdanog uticaja. Istovremeno se polazi od preporuka UN-a, Europske unije i Vijeća Europe u oblasti borbe protiv organizovanog kriminala, korupcije, naročito preporuka GRECCO-a. Naime, predmetnim zakonom se utvrđuju obaveze nosiocima javnih funkcija u Zeničko-dobojskom kantonu da prijave zatečenu imovinu i prihode, porijeklo i promjene imovine i prihoda kao i poklone koje dobiju u toku obavljanja javne funkcije. S obzirom na opredeljenje Vlade Zeničko-dobojskog kantona na transparentan rad i borbu protiv korupcije, Ministarstvo krenulo u proces pripreme Zakona te je i ranije pripremilo Nacrt Zakona ali je isti povučen iz procedure zbog propusta u vršenju konsultacija.

Zaključkom Vlade, broj: 02-02-16809/23 od 10.11.2023. godine, prihvaćena je Informacija o postupku pripreme Nacrta Zakona o prijavljivanju i postupku provjere podataka o imovini nosioca javnih funkcija. Istim je ministar Ministarstva za pravosuđe i upravu zadužen da imenuje Radnu grupu za izradu Nacrta Zakona koju će činiti članovi predstavnika Ministarstva za pravosuđe i upravu, Sekretarijata za zakonodavstvo, Ureda za borbu protiv korupcije i predstavnika Ministarstva finansija, čiji je zadatak da izradi Nacrt Zakona usklađen sa mišljenjima Sekretarijata za zakonodavstvo i Ministarstva finansija datim na tekst Nacrta Zakona koji je Ministarstvo ranije pripremilo bez formiranja radne grupe. U skladu sa Zaključkom Vlade, formirana je Radna grupa koja je prijedlog teksta Nacrta Zakona dostavila Ministarstvu za pravosuđe i upravu, na daljnje postupanje. Kako su kantonalne vlasti dužne konsultovati jedinice lokalne samouprave u postupku donošenja propisa koji ih se direktno tiču, istima je u skladu sa članom 56. Zakona o principima lokalne samouprave u FBiH, prijedlog teksta Nacrta Zakona dostavljen na konsultacije. Aktom broj: 315/24 od 30.05.2024. godine, Savez općina i gradova Federacije Bosne i Hercegovine, dostavio je akt Grada Zavidovići, koji su se jedini očitovali na dostavljeni Nacrt Zakona, u kojem u konačnici navode da je tekst Nacrta Zakona jako dobro i sveobuhvatno urađen sa stanovišta pravila nomotehnike ali da obrazloženje istog treba sadržavati usklađenost Nacrta Zakona sa federalnim zakonodavstvom. Napominjemo, da je Ministarstvo u procesu dorade odredbi, te shodno konsultacijama predstavnika OSCE-a naknadno konsultovalo odredbe prednacrta Zakona o sukobu interesa FBiH.

III – PRAVNA RJEŠENJA

Član 1. - Utvrđuje šta je predmet Zakona.

Član 2. - Propisuju se pojmovi i njihova značenja u ovom zakonu.

Član 3. - Propisuje se rodna neutralnost izraza.

Član 4. - Propisuju se principi djelovanja nosilaca javnih funkcija kao i svrha normiranja materije koju zakon tretira.

Član 5. - Propisuje da je Ured za borbu protiv korupcije Zeničko-dobojskog kantona nadležan za provođenje predloženog zakona, vođenje Registra podataka o nosiocu javne funkcije i), kao i pokretanje prekršajnog i podnošenje krivične prijave zbog povreda odredaba predloženog zakona.

Član 6. - Propisuje se obaveza instituciji u kojoj nosilac javne funkcije obavlja javnu funkciju, za obavještanje Ureda o početku odnosno prestanku obavljanja javne funkcije kao i rok za istu. Također, propisuje se obaveza Institucije da imenuje ovlaštene osobe za dostavu podataka i rok za istu.

Član 7. - Propisuje se da je dostavljanje podataka o promjeni u tokovima sticanja imovine obavezno, zatim i ovlaštenje Ureda da prikuplja, provjerava i vrši obradu podataka o imovini i promjeni imovine nosioca javne funkcije, kao i uspostavljanje i vođenje Registra podataka kao zbirku podataka o imovini u skladu sa propisima o zaštiti ličnih podataka.

Član 8. - Propisuje da Ured vrši provjeru blagovremenosti, tačnosti i potpunosti podataka iz izvještaja nosioca javne funkcije upoređivanjem datih podataka sa prikupljenim podacima o imovini i prihodima nosioca javne funkcije od institucija, tijela i pravnih osoba koji raspolažu tim podacima, rok za donošenje podzakonski akt kojim će detaljnije urediti način prikupljanja i postupak provjere podataka iz Izvještaja o finansijskom stanju i imovini nosioca javne funkcije.

Član 9. - Propisuje da Ured, putem Vlade, jednom godišnje podnosi informaciju Skupštini.

Član 10. - Propisuje koje informacije prijava o imovini sadrži.

Član 11. - Propisuje dužnost za podnošenje izvještaja o finansijskom stanju i imovini, nosiocu javne funkcije, kako za sebe tako i za bliske srodnike, rokove te sadržaj podataka iz Izvještaja.

Član 12. - Propisuje rok za prijavljivanje imovine prilikom preuzimanja dužnosti.

Član 13. - Propisuje obavezu prijavljivanja imovine poslije završetka dužnosti ili razrješenja.

Član 14. - Propisuje obavezu za nosioce javnih funkcija da po zahtjevu dostave tražene informacije o imovini.

Član 15. - Propisuje odgovornost nosioca javne funkcije za istinitost i potpunost dostavljenih podataka.

Član 16. - Propisuje pravo nosioca javne funkcije na uvid u Registar, pravo da zahtijeva ispravku ili brisanje podataka ako su netačni ili nisu prikupljeni u skladu sa zakonom i pravilima za prikupljanje podataka.

Član 17. - Propisuje šta se smatra protokolarnim poklonom i čije je vlasništvo takav poklon.

Član 18. - Sadrži odredbe o primanju poklona.

Član 19. - Propisuje sadržaj obrasca prijave.

Član 20. - Propisuje nadležnost Ureda da vrši provjeru prijavljenih podataka, u slučaju postojanja materijalnih grešaka, grešaka pri popunjavanu prijave ili u slučaju da prijava nije potpuna.

Član 21. - Propisuje da Ured ima ovlaštenje za pribavljanje i obrađivanje podataka u skladu sa Zakonom o zaštiti ličnih podataka Bosne i Hercegovine, isključivo u svrhu provjere tačnosti, odnosno istinitosti navoda sadržanih u prijavi imovine, te i ovlaštenje da zahtijeva dostavu

podataka od svih nadležnih institucijama, kao i pravnih i fizičkih lica koja raspolažu podacima relevantnim za provjere utvrđene odredbama ovog zakona.

Član 22. - Propisuje javnost rada Ureda.

Član 23. - Propisuje kazneno djelo davanja lažnih podataka o imovini i prihodima nosilaca javne funkcije.

Član 24. - Propisuje sankcije za neprijavljivanje imovine ili davanje lažnih podataka o imovini.

Član 25. - Propisuje rok za donošenje Uredbe o uspostavljanju i vođenju Registra iz člana 7. stav (4), kojim će se urediti oblik, sadržaj i način vođenja Registra, kao i druga pitanja od značaja za vođenje Registra.

Član 26. - Propisuje saradnju Ureda sa nadležnim organima.

Član 27. - Propisuje obavezu zatečenih nosilaca javnih funkcija da prijave imovinu i poklone i rok za postupanje shodno propisanim obavezama.

Član 28. - Propisuje stupanje na snagu Zakona osmog dana od dana objavljivanja u „Službenim novinama Zeničko- dobojskog kantona.“

IV – FINANSIJSKA SREDSTVA

Za donošenje Nacrta Zakona o prijavljivanju i postupku provjere podataka o imovini nosioca javnih funkcija, finansijska sredstva su sadržana u Budžetu Zeničko-dobojskog kantona za 2024. godinu.

OBRAZAC IZJAVA O FISKALNOJ PROCJENI

Obrazac IFP NE

Obrađivač propisa:

Razdjel	16 01 000-1	KOD	Ministarstvo za pravosuđe i upravu Zeničko-dobojskog kantona	NAZIV
---------	-------------	-----	--	-------

B 2. Osnovni podaci o prijedlogu propisa

Vrsta propisa/akta	Zakon	Uredba	DA	NE	Odluka	Drugi akti	NE	NE	Strategija	Drugi akti planiranja	NE	NE
Naziv propisa/akta	Nacrt Zakona o prijavljivanju i postupku provjere podataka o imovini nosioca javnih funkcija											

C 3. Izjava o nepostojanju dodatnih fiskalnih efekata predložеног propisa

Za donošenje Nacrta Zakona o prijavljivanju i postupku provjere podataka o imovini nosioca javnih funkcija, finansijska sredstva su sadržana u Budžetu Zeničko-dobojskog kantona za 2024. godinu

D 4. Pečat i potpis odgovornog lica obrađivača, odnosno predlagača propisa

Mjesto i datum 23.07.2024. godine





Broj: 07-02-15832-10/24
Zenica, 12.06.2024. godine

MINISTARSTVO ZA PRAVOSUĐE I UPRAVU

PREDMET: Mišljenje na Nacrt Zakona o prijavljivanju i postupku provjere podataka o imovini nosioca javnih funkcija - *dostavlja se*

Ministarstvo finansija je razmotrilo Nacrt Zakona o prijavljivanju i postupku provjere podataka o imovini nosioca javnih funkcija, koji je dostavljen na mišljenje uz akt Ministarstva za pravosuđe i upravu Zeničko-dobojskog kantona, broj: 06-04-02-15832-10/24 od 11.06.2024. godine, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“, a članom 42. stav 1. istog Zakona, propisano je da „prijedlozi zakona, uredbi i drugih propisa koje Vlada donosi ili predlaže donošenje Parlamentu moraju sadržavati procjenu finansijskih efekata na budžet.“

Članom 21. stav 2. Zakona o organizaciji organa uprave u Federaciji BiH («Službene novine Federacije BiH», broj: 35/05), propisano je da „ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orijentacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.“

Članom 30. stav (1) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), propisano je da obrazloženje propisa, između ostalog sadrži „visinu i izvor finansijskih sredstava potrebnih za provođenje propisa“, a članom 63. stav (1) Jedinstvenih pravila za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08), propisano je da: „Obrazloženje finansijskih sredstava sadrži procjenu potrebnih sredstava, izvora i metoda osiguranja tih sredstava za provođenje propisa.“

U Obrazloženja Nacrta Zakona o prijavljivanju i postupku provjere podataka o imovini nosioca javnih funkcija je između ostalog navedeno da su za donošenje Nacrta Zakona „finansijska sredstva sadržana u Budžetu Zeničko-dobojskog kantona za 2024. godinu.“

Također, u Izjavi o fiskalnoj procjeni – Obrazac IFP-NE od 11.06.2024. godine, navedeno je: „Za donošenje Nacrta Zakona o prijavljivanju i postupku provjere podataka o imovini nosioca javnih funkcija, finansijska sredstva su sadržana u Budžetu Zeničko-dobojskog kantona za 2024. godinu.“

Dakle, iz navedenih akata Ministarstva za pravosuđe i upravu Zeničko-dobojskog kantona, proizilazi da su za donošenje Nacrta Zakona finansijska sredstva „sadržana u Budžetu Zeničko-dobojskog kantona za 2024. godinu“.

S tim u vezi, obim preuzimanja obaveza od strane Budžeta Zeničko-dobojskog kantona, po osnovu Nacrta Zakona, moći će se vršiti samo do iznosa planiranog za navedene namjene u Budžetu Zeničko-dobojskog kantona za 2024. godinu i u Budžetima Kantona za naredne budžetske godine.

Odredbama tačke 8. Uputstva o izvršavanju budžeta sa jedinstvenog računa trezora („Službene novine Federacije BiH“, broj: 34/16) i člana 58. stav (1) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24), propisano je: „Odgovornost za planiranje i stvaranje obaveza u okviru propisanog budžeta je isključivo na rukovodiocu budžetskog korisnika.“

Odredbama člana 25. stav (2) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), propisano je:

„Predlagač materijala je odgovoran da prijedlog materijala koji se dostavlja radi razmatranja na sjednicama Vlade bude u skladu sa Ustavom, važećim zakonima i provedbenim propisima.“

S tim u vezi, Ministarstvo finansija ne snosi odgovornost za ustavni osnov i pravna rješenja predložena od strane obrađivača u dostavljenom Nacrtu Zakona.


U slučaju eventualne potrebe za dodatnim sredstvima za provedbu navedenog Nacrta Zakona, nedostajuća finansijska sredstva kroz uštede i unutrašnje preraspodjele sredstava obavezan je obezbijediti Ured za borbu protiv korupcije Zeničko-dobojskog kantona, koji je nadležan za provođenje ovoga Zakona.

Imajući u vidu gore navedeno Obrazloženje Nacrta Zakona i dostavljenu Izjavu o fiskalnoj procjeni, Ministarstvo finansija nema drugih primjedbi i sugestija iz svoje nadležnosti.

S poštovanjem!

Dostavljeno:

1x) Naslovu,
1x a/a.





SEKRETARIJAT ZA ZAKONODAVSTVO

SECRETARIAT FOR LEGISLATION

Broj: 03-02-11133/24-1/24
Zenica, 08.07.2024. godine

04/2 Z-1665

MINISTARSTVO ZA PRAVOSUĐE I UPRAVU
ZENIČKO-DOBOJSKOG KANTONA

PREDMET: Mišljenje o Nacrtu Zakona o prijavljivanju i postupku provjere podataka o imovini nosioca javnih funkcija- dostavlja se

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona («Službene novine Federacije BiH» broj 8/96 i «Službene novine Zeničko-dobojskog kantona» broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona («Službene novine Zeničko – dobojskog kantona» broj: 10/21), te na osnovu uvida u tekst Nacrta Zakona o prijavljivanju i postupku provjere podataka o imovini nosioca javnih funkcija, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Ustavni osnov za donošenje Nacrta Zakona o prijavljivanju i postupku provjere podataka o imovini nosioca javnih funkcija (u daljem tekstu: Nacrt Zakona) je pravilno utvrđen, ali je neophodno u obrazloženju akta navesti i obrazložiti ustavni osnov za regulisanje materije ovog Zakona.

Nacrt Zakona nije usklađen s pravnim sistemom i u nomotehničkom smislu nije urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08), zbog čega je neophodno Nacrt Zakona uskladiti prema slijedećim primjedbama.

Član 33. Jedinstvenih pravila za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08) propisuje da se propis piše jasnim stilom, jednostavnim riječima i precizno izraženim namjerama zakonodavca, da terminologija korištena u propisima mora biti jasna, dosljedna, precizna i potrebna, što nije slučaj u ovom nacrtu Zakona, te je s tim u vezi potrebno odredbe uskladiti s ovim pravilom.

Imajući u vidu da se ovim Zakonom uvodi po prvi put uređivanje materija koja nije uređena na višim nivoima vlasti, to je neophodno da se obrazloženje propisa sačini u skladu sa članom 59. Jedinstvenih pravila i da se jasno navede ustavnopravni osnov za uvođenje propisa i regulisanje ove materije. Kao razlog za donošenje Nacrta Zakona navodi se Konvencija, čiji je pravi naziv Konvencija Ujedinjenih nacija protiv korupcije. Pozivanje na odredbu člana 6. ove Konvencije ne može biti razlog za donošenje Nacrta Zakona, tim prije što je Zakonom o postupku zaključivanja i izvršavanja međunarodnih ugovora („Službeni glasnik BiH“, broj: 29/00 i 32/13) uređen postupak zaključivanja i izvršavanja međunarodnih ugovora i druge radnje u vezi s međunarodnim ugovorima, koji u članu 27. propisuje da se Vijeće ministara Bosne i Hercegovine stara o izvršavanju međunarodnih ugovora preko nadležnih institucija Bosne i Hercegovine i entiteta. Dakle, kantoni nemaju po ovom pitanju nadležnost za izvršavanje međunarodnih ugovora.



Ustavnopravni osnov za uvođenje ovog propisa može biti sadržan u članu 17. Ustava Zeničko-dobojskog kantona ("Službene novine Federacije BiH", broj: 7/96 i "Službene novine Zeničko-dobojskog kantona", broj: 1/96, 10/00, 8/04, 10/04 - ispr. i 10/04), a razloge navesti u skladu sa članom 61. Jedinstvenih pravila. S obzirom da se ova materija po prvi put uvodi u Zeničko-dobojski kanton, to je neophodno da se poslanicima u Skupštini Zeničko-dobojskog kantona kao i svim zainteresovanim licima na jasan način objasni i obrazloži uvođenje ove materije i dobit od uvođenja ovog propisa.

1. Dobra formulacija predmeta je kratka i ne sadrži popratne informacije i detalje o sadržaju svakog dijela, poglavlja ili odjeljka zakona te riječi uskladiti sa pojmovima koji su dati u propisu.
2. Kod dostavljanja podataka o imovini „bliskih srodnika“, potrebno je imati u vidu zakone koji regulišu tu oblast. Veoma je upitno uvođenje obaveze davanja ličnih podataka za lica koja nisu nosioci javne funkcije, osim ukoliko za takve podatke ne postoji dobrovoljnost tih lica. Odredbe nacrtu Zakona moraju biti u skladu sa Zakonom o zaštiti ličnih podataka („Službeni glasnik BiH“, broj: 49/06, 76/11 i 89/11 - ispr.) te je u tom smislu potrebno pribaviti mišljenje od nadležne Agencije za zaštitu ličnih podataka u Bosni i Hercegovini imajući u vidu Mišljenje Ustavnog suda Federacije BiH, („Službene novine Federacije BiH, broj: 46/19).
3. U članu 2. ovog Nacrta se koristi termin „nosilac javne funkcije“ i kao takav se treba urediti u članu 4. a brisati one pojmove koji se ne koriste dalje u Nacrtu, te na taj način uskladiti termine, a shodno tome onda i u članu 1. Nacrta koristiti nosilac javne funkcije. Pod pojam „nosilac javne funkcije“ svrstane su sve osobe na koje se ovaj Nacrt Zakon odnosi, kako je to i predviđeno u članu 4. tačka e) Nacrta Zakona.
4. Iza predmeta slijedi pozicioniranje pojmovova ili definicija shodno članu 2. Jedinstvenih pravila. Principi djelovanja navode se na početku glavnog dijela propisa i za razliku od uvodnog dijela, principi imaju regulatornu svrhu jer upravo na osnovu ovih principa, institucije moraju primjenjivati zakon. Ovim Nacrtom se ne uređuje vršenje javnih funkcija tako da je neophodno da se principi jasno i precizno urede jer principi npr. zakonitosti ili efikasnosti se podjednako odnosi na sva lica na koje se Nacrt odnosi, i na obrađivače podataka.
5. U cijelom tekstu Nacrta Zakona riječi treba navesti u jednini, shodno članu 42. Jedinstvenih pravila jer ono što se odnosi na jedinku odnosi se na sve.
6. U članu 3. ovog Nacrta kao i dalje, nepotrebno se uvijek pozivati „iz člana 1. ovog zakona“ jer se zna u koju svrhu se vrši obrada podataka. U ovom članu svrha zakona u stavu (1) i (2) se ponavlja, a također se navode i novi principi, te predlažemo da se član 2. i 3. urede kao jedan član sa općim principima. Obratiti pažnju na Zakon o sprečavanju pranja novca i finansiranja terorističkih aktivnosti („Službeni glasnik BiH“, broj: 13/24) u smislu nadležnosti oko aktivnosti pranja novca koja se navodi.
7. U članu 4. koristiti jedninu kao što je već navedeno, te koristiti termin „ministar“ umjesto članovi vlade te voditi računa da na lokalnom nivou i gradonačelnik/načelnik daje saglasnost za imenovanje direktora gdje je potrebno uključiti i takva lica. Izbjeći ponavljanje više puta Zeničko-dobojski kanton, a u članu 1. koristiti u daljem tekstu: Kanton, grad/općina). Prijedlog je da se definiše pojam „javna funkcija“, „nosilac javne funkcije“ pod koji pojam bi se nabrojala sva lica, i vršilac i savjetnik i pravobranilac, lica na koja se Nacrt odnosi. Što se tiče zamjenika pravobranioaca isti se shodno članu 18. stav (2) Zakona o pravobranilaštvu imenuje za obavljanje službe bez ograničenja mandata, te predlažemo da se još jednom sagleda da li je potrebno obuhvatiti i ova lica.
8. POGLAVLJE I urediti u skladu sa tekstom koji slijedi i u ovom poglavlju nema nadzora već podnošenje informacije ili izvještaja.
9. U pogledu člana 6. ističemo da je članom 23. stav (1) Zakona o Agenciji za prevenciju korupcije i koordinaciju borbe protiv korupcije „Službeni glasnik BiH“, broj: 103/09 i 58/13) propisano da entiteti, kantoni i Brčko Distrikt Bosne i Hercegovine mogu odrediti novu ili postojeću upravnu strukturu koja će biti zadužena za sprečavanje korupcije, izradu i sprovođenje strategije za borbu protiv korupcije i akcionih planova u tom entitetu ili Brčko Distriktu Bosne i Hercegovine. Član 6. potrebno je uskladiti sa članovima 46. do 48. a u vezi sa članom 54. Zakona o organizaciji organa uprave („Službene novine Federacije BiH“, broj: 35/08) i članovima 1., 2., 4. i 6. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22

10. Član 7. je potrebno jasno urediti koji podaci se traže o početku i prestanku obavljanja javne funkcije. Obrascem se ne mogu propisivati traženi podaci već samo uobziriti već propisane podatke. Norma je nejasna, stav (3) i (4) jasno precizirati rok propisivanja obrasca ili na jednom mjestu urediti rok kada je Ured obavezan donijeti podzakonski propis.
11. U članu 8. umjesto iniciranje krivične prijave predlaže se podnošenje krivične prijave. U stavu (4) je nejasno na koje propise se misli. Stav (5) je nelogičan, nepovezan, a vraćanje podataka nije propisano stavom (3) ovog člana.
12. U članu 9. je potrebno naziv uskladiti sa odredbom, jer se ovdje ne radi o nadzoru. Stav (1) razdvojiti na dva stava. Stavom (2) je propisano šta sve informacija sadrži te je suvišno u stavu (1) nabrajati šta se informiše. Predlažemo da se jasnije norma uredi. U stavu (2) tačka c) nejasno je šta je to nesrazmjerno povećanje imovine, kako i na koji način se dolazi do nesrazmjernosti i gdje je propisana granica i koji to nadležni organi provjeravaju dostavljene netačne podatke i kako provjeravaju.
13. U članu 10. stav (1) tačka b) i c) smatramo da su iste te predlažemo da se urede jedinstveno i precizno, osim ako se razlika ne odnosi na pokretne stvari koje su podložne registraciji u nekom registru, a onda da li to znači da pokretne stvari koje nisu podložne registraciji, a čija je vrijednost veća od 500 KM se mora prijaviti (npr. frižider, električna peć i sl.). Tačku i) i j) uskladiti sa članom 17. i 18. ovog Nacrta i ne bi trebala postojati razlika u poklonima, jer u suštini navedenim odredbama i ne pravi se razlika.
14. Član 11. predviđa podnošenje izvještaja o finansijsko stanju i imovini, te je nejasno kroz odredbu o kojem finansijskom stanju se misli, imajući u vidu da je u članu 4. data definicija pojma imovina i kao takva se treba koristiti bez dupliranja izraza i podataka. U stavu (2) je nepotrebno ponavljati podatke iz člana 10., te izvršiti uređivanje člana 10. i 11. uzajamno i povezano. Tačku o) je potrebno urediti preciznije i jasnije jer norma nije dovoljno jasna. Stav (5) predlažemo da se razdvoji u dva stava, kako bi norma bila jasnija obzirom da nije jasno da li se na podnošenje izvještaja odnosi rok iz stava (4) tačka a)
15. U članu 12. stav (1) i u članu 11. stav (1) se ponavljaju, iste uskladiti. U stavu (2) se govoro i prijavi imovine, a šta je sa finansijskom vrijednošću imovine iz člana 11.? Isto se odnosi i na član 13. stav (1), član 14. stav (1) i član 15. stav (1). Da li je i ona dio obaveze? Predlažemo da se Poglavlje II uredi jasnije i preciznije na način da se jednim članom odrede podaci koji se prikupljaju i prijavljuju, ko prijavljuje, prikuplja, obrađuje, rokove i posljedice.
16. U članu 13. stav (3) je suvišno pa i nejasno „po završetku funkcije po bilo kojem osnovu“ obzirom da se ovaj član odnosi na prijavljivanje imovine poslije završetka dužnosti. Stav (4) se ponavlja kao u članu 11. stav (5).
17. U članu 14. stav (2) i članu 13. stav (2) rokove uskladiti. Za stav (3) smatramo da je nesvrshodan. Smatramo da se treba pribjeći prekršajnoj odgovornosti kada ne dostavi prijavu ili izvještaj, a ne da se odugovlači sa radnjama.
18. U članu 15. smatramo da pored nosioca javne funkcije koji je odgovoran za davanje tačnih podataka, treba normirati i da je Ured odgovoran za tačnost obrade podataka.
19. U članu 17. stav (1) je već sadržano u članu 4. tačka l). Protokolarni pokloni mogu biti i od domaćih institucija?! Rok odmah po prijemu urđiti sa tačno naznačenim rokom jer odmah nije adekvatna formulacija. U stavu (4) brisati „i to:“ te urediti smisao rečenice.
20. U članu 18. definicija pokona u stavu (1) je već sadržan u članu 4. Stav (3) je u suprotnosti sa stavom (2) i stavom (4). U stavu (5) umjesto „organ vlasti“ koristiti pojam iz člana 4. Stav (6) je u sukobu sa stavom (4) i općenito sa pojmom „poklon“. Stav (7) urediti jasno da se zna da onda Ured daje procijenjenu vrijednost. U stavu (9) umjesto „organ vlasti“ koristiti pojam iz člana 4. te propisati rok. U stavu (10) suvišno je dodatno navoditi „a koje su nosioci...“
21. Član 19. tačku d) uskladiti sa pojmovima iz člana 4, tačku h) jasno precizirati bez „slično“, tačke j) i k) urđiti kao jedno. Stav (2) bisati, ako bude trebao biti sastavni dio to će se urediti uredbom. U stavu (3) navesti broj službenog glasila.
22. U članu 2. nije jasno kako se kontrola vrši, te je besmisleno normirati provjeru postojanja materijalnih grešaka (tehničkih) te je nejasno u stavu (3) kada je prijava nepotpuna. Stav (4) se ponavlja sa članom 8., a u stavu (5) je potrebno tačno odrediti koji su to nadležni organi.

23. Član 21. treba biti uređen u korelaciji sa članom 8. da slijede jedan drugi. Stav (4) razdvojiti na dva stava, te stav (5) urediti nomotehnički po stavovima. U stavu (5) tačka a) je nejasno šta je to finansijski neuravnotežen, tačka b) je nejasna, da i to znači onda uvijek i svaki put?, tačku c) urediti jasno nije bitno o kakvoj se prijavi onda radi, tačka e) treba da sadrži jasne rizike, koji su to, tačka g) kojim drugim slučajevima? U stavu (6) šta je posljedica ako se ne dostavi podaci od nekih organa, te se ne mogu obavezati organi na višim nivoima na dostavu podataka. Pod tačkom b) šta je posljedica i koja fizička lica, koji se to dokaz koristi od fizičkih lica. U stavu (7) treba propisati rok. U stavu (8) rok mora biti propisan, a i sam stav nije za ovaj član. U stavu (1) koristiti pojam iz člana 4. te navesti na koja druga nadležna tijela se misli.
24. U članu 22. stav (3) je nejasno kako se smatra da su obaveznici prijave saglasni, te isto urediti sa zakonom iz stava (1) ovog člana. U stavu (4) urediti sa pojmovima iz člana 4. te ovdje nije propisana obaveza za fizička lica koja se navodi u prethodnim članovima.
25. U članu 23. stav (2) je nejasna u kontekstu odredbe gdje se imovina nalazi s pozivom na član 10. i 22.
26. U članu 24. potrebno je tačno označiti članove po kojima se suprotno postupa.
27. Član 25. jasno i precizno urediti pozivanje na odredbe članova po kojima je zapriječena prekršajna odgovornost, te novčane kazne ispravno označiti. U stavu (3) navesti otvoreno ili zatvoreno pozivanje na propis.
28. U članu 26. potrebno je navesti i rok za donošenje podzakonskih akata Ureda.
29. U članu 28. ispravno se pozvati na odredbe.

Napominjemo da je Sekretarijat za zakonodavstvo svojim Mišljenjem od 26.10.2023. godine već jednom ukazao na određene neusklađenosti i nomotehnička pravila pri izradi zakona.

Sekretarijat za zakonodavstvo je mišljenja da se ova materijala trebala urediti na državnom nivou, ali kako ne postoji zakonska regulativa koja uređuje ovo pitanje u svrhu sprečavanja korupcije, to podržavamo donošenje zakona koji bi na kvalitetan način uredio ovu materiju sa jasnim normama, ciljevima, zadacima i obavezama. S toga je zaista neophodno da se ovaj Nacrt Zakona uredi hronološki, redom po aktivnosti, da norme budu jasne, bez dvosmislenih riječi, da se ne ponavljaju, jer upravo ovaj Nacert treba da posluži kao primjer izrade propisa u kojem ne bi bilo mjesta riziku korupcije u propisu.

Imajući u vidu naprijed navedeno, shodno članu 31. Poslovnika o radu Vlade Zeničko-dobojskog kantona ("Službene novine Zeničko-dobojskog kantona", broj: 10/21), ukoliko kao predlagač prihvatite navedene primjedbe ili sugestije, dužni ste korigovani tekst Nacrta Zakona dostaviti ponovo na mišljenje, a ukoliko kao predlagač ne prihvatate neku od gore navedenih primjedbi ili sugestija, dužni ste o tome obavijestiti Sekretarijat za zakonodavstvo koje je dalo ovo mišljenje, odnosno dati jasno pisano obrazloženje zbog čega ne prihvatate ovo mišljenje, najkasnije u roku od tri dana od prijema mišljenja, nakon čega se Nacrt Zakona (zajedno sa ovim mišljenjem i svojim obrazloženjem zbog čega se ne prihvataju prijedlozi ili sugestije) može razmatrati na jednoj od narednih sjednica Vlade Zeničko-dobojskog kantona.

Dostavljeno:
 naslovu,
 a/a.



SEKRETAR
Mirnes Burkić
Mirnes Burkić

Sarajevo, 30.05.2024. godine

Broj: 315/24

06/2

Z-1479

MINISTARSTVO ZA PRAVOSUĐE I UPRAVU ZENIČKO-DOBOJSKI KANTON

Ul. Kučukovići br.2

72 000 Zenica

n/r ministra Nebojša Nikolić

PREDMET: Dostava komentara, mišljenja i sugestija na Nacrt Zakona o prijavljivanju i postupku provjere podataka o imovini nosioca javnih funkcija, dostavlja se

Poštovani,


u vezi sa Vašim aktom broj: 06-04-02-15832-8/24 od 10.05.2024.godine, u kojem nam tražite da Vam dostavimo komentare, mišljenja i sugestije na Nacrt Zakona o prijavljivanju i postupku provjere podataka o imovini nosioca javnih funkcija, Vas obavještavamo da je u zadatom roku svoje komentare, mišljenja i sugestije dostavio Grad Zavidovići. Ostale općine se nisu očitovale, niti dostavile svoje komentare, mišljenja i sugestije.

Prilog:

- Mišljenje po Nacrtu Zakona o prijavljivanju i postupku provjere podataka o imovini nosioca javnih funkcija Grada Zavidovići br.02-45-3/24-AP-58 od 24.05.2024.godine.

S poštovanjem,

Vesna Travljanin
Direktor Saveza općina i gradova FBiH



Musala 5/1 71000 Sarajevo

Tel: +387 (0)33 216 502; +387 (0)33 209 024; +387 (0)33 209 120; +387 (0)33 552 811

Fax: +387 (0)33 552 810 +387 (0)33 216 502 / Email: savez@sogfbih.ba / Web: www.sogfbih.ba



Broj: 02-45-3/24-AP-58
Datum: 24.05.2024. godine

SAVEZ OPĆINA I GRADOVA
FEDERACIJE BOSNE I HERCEGOVINE
Ulica „Musala“ broj 5
S A R A J E V O

PREDMET: Mišljenje po Nacrtu Zakona o prijavljivanju i postupku
provjere podataka o imovini nosioca javnih funkcija, dostavlja se

Poštovani,

Analizom odredaba i obrazloženja Nacrta Zakona o prijavljivanju i postupku provjere podataka o imovini nosioca javnih funkcija koji je pripremila Radna grupa, mišljenja sam da Skupština Zeničko-dobojskog kantona nema ustavnu nadležnost da uređuje pravne odnose kada je u pitanju imovina izbornih zvaničnika, na koje se pretežnim dijelom odnosne odredbe Nacrta Zakona. Naime, pozivajući se na odredbu 37. stav (1) Ustava Zeničko-dobojskog kantona („Službene novine FBiH“, broj: 7/1996 i „Službene novine Zeničko-dobojskog kantona“, broj: 1/96, Amandmani I-V broj 10/00, Amandman VI broj 8/04, Amandmani VII-LII broj 10/04, ispravka 10/04 i Amandmani LIII-LXI) nije pravilno jer iz odredbi člana 18. i 19. Ustava Zeničko-dobojskog kantona ne proizilazi izvorna niti podijeljena nadležnost sa Federacijom Bosne i Hercegovine da Zeničko-dobojski kanton uređuje pravne odnose koji se tiču izbora i drugih pitanja koja se tiču provođenja izbora kao što je imovina izbornih zvaničnika. Naime, Zeničko-dobojski kanton je nadležan, ako Ustavom nije drugačije određeno, za:

- a) donošenje odluka, u okviru utvrđene ekonomske politike, za podsticanje privrednog i društvenog razvoja;
- b) uspostavljanje i nadziranje policijskih snaga koje će imati jedinstvene federalne uniforme s oznakama Kantona;
- c) utvrđivanje obrazovne politike, uključujući donošenje propisa o obrazovanju i osiguranju obrazovanja;
- d) utvrđivanje i provođenje kulturne politike;
- e) utvrđivanje stambene politike, uključujući donošenje propisa koji se tiču uređivanja i izgradnje stambenih objekata;
- f) utvrđivanje politike koja se tiče reguliranja i osiguranja javnih službi;
- g) donošenje propisa o korišćenju lokalnog zemljišta, uključujući zoniranje;
- h) donošenje propisa o unapređenju lokalnog poslovanja i humanitarnih aktivnosti;
- i) donošenje propisa o lokalnim postrojenjima za proizvodnju energije i osiguranje njihove dostupnosti;
- j) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- k) provođenje socijalne politike i uspostavu službi socijalne zaštite;
- l) stvaranje i primjena politike kantonalnog turizma i razvoj turističkih resursa;
- lj) finansiranje djelatnosti kantonalne vlasti ili njenih agencija oporezivanjem, zaduživanjem ili drugim sredstvima;

m) donošenje propisa o lokalnoj samoupravi, uz odgovarajuću konsultaciju sa općinskim vlastima.

U skladu sa Ustavom Federacije. Federacija i Zeničko-dobojski kanton nadležni su za:

- a) jamčenje i ostvarivanje ljudskih prava,
- b) zdravstvo,
- c) politiku zaštite čovjekove okoline,
- d) komunikacijsku i transportnu infrastrukturu,
- e) socijalnu politiku,
- f) provođenje zakona i drugih propisa o državljanstvu i putnim ispravama državljana Bosne i Hercegovine sa teritorije Federacije i o boravku i kretanju stranaca,
- g) *(brisano)*,
- h) turizam,
- i) korišćenje prirodnih bogatstva.

Nadležnost za uređivanje pravnih odnosa koji se tiču izbora i drugih pitanja koja se tiču provođenja izbora, kao što je imovina izbornih zvaničnika, pripada Parlamentarnoj skupštini Bosne i Hercegovine. U skladu sa navedenim Parlamentarna skupština Bosne i Hercegovine donijela je Izborni Zakon Bosne i Hercegovine na osnovu kojeg je (član 2.9 stav 2. tačka 2. i član 15.8 stav 3.) Centralna izborna komisija Bosne i Hercegovine donijela Uputstvo o izgledu i načinu ispunjavanja obrazaca o imovinskom stanju.

Kada je u pitanju imovina lica koja je predmet Nacrta Zakona, a nisu izborni zvaničnici, mišljenja sam da se pravni odnosi registracije njihove imovine urede posebnim zakonima koji uređuju oblasti za koje su osnovane upravne organizacije (npr. Zakon o javnim preduzećima u Federaciji Bosne i Hercegovine, Zakon o zdravstvenom osiguranju u Federaciji Bosne i Hercegovine, Zakon o osnovnoj školi Zeničko-dobojskog kantona i slično).

U članu 6. Nacrta Zakona o prijavljivanju i postupku provjere podataka o imovini nosioca javnih funkcija propisana je nadležnost Ureda za borbu protiv korupcije Zeničko-dobojskog kantona da vrši nadzor nad primjenom zakona. Mišljenja sam da je ovdje došlo do pogrešnog pristupa kod odabira politike na kojoj se zasniva sam Nacrt Zakona. Naime, evidentiranje i vođenje poslova oko imovine nosioca javnih funkcija ne treba posmatrati u svjetlu borbe protiv korupcije, jer se na taj način stvara prezumpcija da je samo imovina nosioca javnih funkcija proizvod koruptivnih djelovanja i aktivnosti. Navedeni pristup smatram pogrešnim.

Dalje smo mišljenja da je sam tekst Nacrta Zakona o prijavljivanju i postupku provjere podataka o imovini nosioca javnih funkcija jako dobro i sveobuhvatno urađen sa stanovišta pravila nomotehnike. Međutim, obrazloženje Nacrta Zakona o prijavljivanju i postupku provjere podataka o imovini nosioca javnih funkcija nije urađeno u skladu sa članom 59. stav (1) Jedinistvenih pravila za izradu pravnih propisa u Zeničko-dobojskom kantonu („Službene novine ZDK“, broj: 5/08) i ne sadrži propisane dijelove. Naročito ističemo da obrazloženje treba sadržavati dio koji obrazlaže usklađenost Nacrta Zakona s federalnim zakonodavstvom, a u ovom slučaju i sa zakonodavstvom Bosne i Hercegovine. Ovaj dio obrazloženja bi dao odgovore na pitanja nadležnosti Zeničko-dobojskog kantona za uređivanje pravnih odnosa koje reguliše Nacrt Zakona o prijavljivanju i postupku provjere podataka o imovini nosioca javnih funkcija.

S poštovanjem.

Dostavljeno:

- 1. Naslovu,
- 2. U spis.



GRADONAČELNIK
doc.dr. Hašim Mujanović



Zenica, 19.07.2024. godine
Broj: 06-04-02-15832-11/24

**SAVEZ OPĆINA I GRADOVA
FEDERACIJE BOSNE I HERCEGOVINE**

PREDMET: Nacrt Zakona o prijavljivanju i postupku provjere podataka o imovini nosioca javnih funkcija u Zeničko- dobojskom kantonu- obavijest, dostavlja se

U vezi sa Nacrtom Zakona o prijavljivanju i postupku provjere podataka o imovini nosioca javnih funkcija, koje je Ministarstvo za pravosuđe i upravu Zeničko-dobojskog kantona aktom, broj: 06-04-02-15832-8/24 od 10.05.2024. godine dostavilo Savezu općina i gradova Federacije BiH, na konsultacije kao i Sekretarijatu za zakonodavstvo i Ministarstvu finansija, radi pribavljanja mišljenja o istom, obavještavamo vas da je Sekretarijat za zakonodavstvo, Ministarstvu dostavio mišljenje u vezi sa predmetnim Nacrtom, a koje sugestije je Ministarstvo razmotrilo i prihvatilo, s tim da, kada se radi o odredbi člana 6. Nacrta Zakona kojom se definiše nadležnost Ureda za provođenje Zakona, ista nije korigovana obzirom na to da se Vlada Zeničko- dobojskog kantona opredijelila da Ured ima svojstvo pravnog lica.

Naime, Ministarstvo je, u procesu pripreme antikoruptivni zakona, pripremlilo akt: Prijedlog Uredbe o dopuni Uredbe o osnivanju Ureda za borbu protiv korupcije Zeničko- dobojskog kantona („Službene novine Zeničko- dobojskog kantona“, broj: 5/22) kojim se propisuje se da Ured ima status pravnog lica, a u vezi s kojim je Sekretarijat za zakonodavstvo dao pozitivno mišljenje, aktom broj 03-02-9251-3/24 od 17.05.2024. godine.

Shodo gore navedenom, dostavljamo vam u prilogu akta, korigovani tekst Nacrta Zakona na znanje.

Poštovanje,

Dostavljeno
1 x Naslovu
1 x a





MINISTARSTVO FINANSIJA

Zenica, 19.07.2024. godine
Broj: 06-04-02-15832-12/24

PREDMET: Nacrt Zakona o prijavljivanju i postupku provjere podataka o imovini nosioca javnih funkcija u Zeničko- dobojskom kantonu- obavijest, dostavlja se

U vezi sa Nacrtom Zakona o prijavljivanju i postupku provjere podataka o imovini nosioca javnih funkcija, koje je Ministarstvo za pravosuđe i upravu Zeničko-dobojskog kantona aktom, broj: 06-04-02-15832-10/24 od 11.06.2024. godine dostavilo Ministarstvu finansija, radi pribavljanja mišljenja o istom, a u vezi sa kojim Ministarstvo finansija s aspekta svoje nadležnosti nije imalo primjedbi, obavještavamo vas da je Ministarstvo korigovalo dostavljeni tekst Nacrta Zakona u skladu sa mišljenjem Sekretarijata za zakonodavstvo i isti vam dostavljamo u prilogu na znanje.

Poštovanje,

Dostavljeno:

1x Naslov
1x a/a



MINISTAR

Bojisa Nikolić



SEKRETARIJAT ZA ZAKONODAVSTVO
n/r Sekretara
-ovdje-

Zenica, 18.07.2024. godine
Broj: 06-04-02-15832-10-1/24

PREDMET: Nacrt Zakona o prijavljivanju i postupku provjere podataka o imovini nosioca javnih funkcija- obavijest, dostavlja se

Veza akt broj: 03-02-11133/24-1/24 od 08.07.2024. godine

Ministarstvo za pravosuđe i upravu Zeničko- dobojskog kantona je aktom broj: 06-04-02-15832-10/24 od 11.06.2024. godine dostavilo Sekretarijatu za zakonodavstvo Nacrt Zakona o prijavljivanju i postupku provjere podataka o imovini nosioca javnih funkcija, radi pribavljanja mišljenja o istom.

S tim u vezi, Sekretarijat za zakonodavstvo je aktom broj i datum veze, Ministarstvu dostavio mišljenje u vezi sa predmetnim Nacrtom, a koje je Ministarstvo razmotrilo te prihvatilo sve sugestije iz akta, broj i datum veze, osim u tački 9. mišljenja, obzirom na to da se Vlada Zeničko- dobojskog kantona opredijelila da Ured za borbu protiv korupcije Zeničko- dobojskog kantona ima svojstvo pravnog lica.

Naime, Ministarstvo je, shodno tome, pripremio akt: Prijedlog Uredbe o dopuni Uredbe o osnivanju Ureda za borbu protiv korupcije Zeničko- dobojskog kantona („Službene novine Zeničko- dobojskog kantona“, broj: 5/22) kojim se propisuje se da Ured ima status pravnog lica, a u vezi s kojim je Sekretarijat za zakonodavstvo dao pozitivno mišljenje, aktom broj 03-02-9251-3/24 od 17.05.2024. godine.

Poštovanje,

Dostavljeno

1 x Naslovu

1 x a

187

MINISTAR

Nebojša Nikolić



Bosna i Hercegovina, Zenica, Kraljevići br. 2
telefon: 032 460 742 i 460 744, fax: 032/460 742

mail: min.pra@udicjezdk.ba,
www.zdk.ba

